

**MESYUARAT PERTAMA PENGGAL PERTAMA  
DEWAN UNDANGAN NEGERI PULAU PINANG  
YANG KEEMPAT BELAS  
02 OGOS 2018**

**PERKARA : 4(B)(V)7**

**SOALAN BERTULIS OLEH AHLI KAWASAN AIR ITAM  
YB. JOSEPH NG SOON SIANG**

7. Berapakah jumlah (RM) cukai pelancongan yang dikutip oleh Kastam Diraja Malaysia?
  - (a) Senaraikan cukai & Ringgit Malaysia berasaskan pelancongan pada tahun 2015-2017 bagi Negeri Pulau Pinang?
  - (b) Fi (RM) yang dikutip oleh Jabatan Kastam Diraja Malaysia dan Pihak Berkuasa Tempatan (PBT)?
  - (c) Adakah hasil berkenaan dibelanjakan & diperuntukan kepada mana-mana agensi kerajaan bagi pembangunan pelancongan Negeri Pulau Pinang?

**YB. YEOH SOON HIN  
MENJAWAB BAGI PIHAK Y.A.B. KETUA MENTERI**

7. Cukai Pelancongan adalah dikenakan oleh Kerajaan Persekutuan berkuatkuasa mulai 1 September 2017 untuk seluruh negara termasuk Pulau Pinang dan Jabatan Kastam Diraja Malaysia bertanggungjawab membuat kutipan cukai tersebut. Berdasarkan maklumat daripada Kementerian Kewangan, sehingga Jun 2018, jumlah Cukai Pelancongan bagi seluruh negara yang dikutip adalah sebanyak RM146,280,796.00.

- (a) Hanya satu cukai berasaskan pelancongan di Pulau Pinang iaitu Cukai Pelancongan yang dikenakan oleh Kerajaan Persekutuan berkuatkuasa mulai 1 September 2017. Berdasarkan maklumat daripada Kementerian Kewangan, Cukai Pelancongan yang dikutip di Pulau Pinang bagi tempoh September hingga Disember 2017 adalah sebanyak RM3,881,655.00. Tetapi cukai ini telah disalurkan kepada Kerajaan Persekutuan.
- (b) Jabatan Kastam Diraja Malaysia tidak membuat kutipan Fi Hotel. Fi Hotel adalah dikenakan oleh Kerajaan Negeri dan dikutip oleh Majlis Bandaraya Pulau Pinang dan Majlis Perbandaran Seberang Perai. Sehingga Jun 2018, jumlah kutipan Fi Hotel oleh Majlis Bandaraya Pulau Pinang dan Majlis Perbandaran Seberang Perai masing-masing adalah sebanyak RM31,273,107.70 dan RM4,656,724.00.
- (c) Bagi Cukai Pelancongan, penggunaan hasil kutipan masih belum ditentukan oleh Kerajaan Persekutuan. Namun demikian, Kerajaan Persekutuan telah memaklumkan bahawa sebanyak RM5 daripada setiap RM10 yang dikutip akan diagihkan kepada negeri berkenaan. Bagi Fi Hotel, hasil kutipan tidak diperuntukan kepada mana-mana agensi Kerajaan dan hanya digunakan bagi tujuan pembangunan pelancongan Pulau Pinang melalui program promosi pelancongan, penganjuran program pelancongan, pembangunan acara *business events* dan pemberian insentif penerbangan terus ke Pulau Pinang.